



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Joannis Maurittii Gudeni Historia Erfurtensis Ab Vrbe Condita Ad Reductam

Gudenus, Johann Moritz von

Erfurti, 1675

V.

**urn:nbn:de:hbz:466:1-11903**



loqui fastuosè didicissent, Curia obtrusi, quæ & ipsa filiabus in dotem data. In fabulam abierat Reip. ærarium ollam esse mellariam, hujus dulcedine Senatores inescari, & contulisse felicitatis complementum in filios se credere, isti, si ollæ admo-  
verint, facillè viderunt Legati Cæsarei hos esse, qui & Moguntina jura interverterint, & depressæ suspiria plebis in clamores coëgerint, † idè Seniorum, ut dici voluit, Collegium antiquarunt, ac postmodum alia, quæ dicemus, circa Senatum emendata sunt.

*Antiquatæ à Legatis.*

## V.

*Moguntini pro Electore preces publicas decerni petunt.*

*Senatus renuit.*

*Moguntinæ causæ justitiæ Legatis probant*

† Consiliarii Moguntini præter cætera Eminentissimum restitui Electorem in eo petière, ut, sicut ante motus factum, pro eo publicè preces decernerentur, ac è Cathedra populo propositæ solenniter fierent. Hic ille scopulus fuit, qui cum Reip. naufragium minitari videbatur, à sæculis inter civiles misérias fluctuantem, felicitati primævæ restituit; ast non sine cruciatu remedium: † Senatus oratum ante motus pro Electore negat, nec in eo restitui posse, quod nunquam habuit. Moguntini † Legatis testes ultrà triginta sistunt, qui ante bellum, præeunte sacrorum præcone, pro Electore oratum esse asserunt, id sub Swicardo pariter & Frederico agitatum. Convictus his Senatus effugia quærere, in Ministerium rejicere, Sacrorum libertatem prætere: orasset ante bella pro Moguntino Civitas, id  
Se-



Senatus mandato factum, cui sacra, ritusque ordinare ex pace religiosa competat. Jam imperari preces, & indici pro eo, qui rituum aliorum Præsul, illas pro nullis habet; id & libertati Religionis contrarium, & sacris suis ludibrium esse. † Cives renitentiam Senatûs avertati, scriptum Legatis exhibuere, in quo obsequentes se declarârunt, dummodo per Curia Dominatum possent, supplicatum Numini pro Domino jam olim, salvâ id religione, salva libertate factum, proinde & post hac se oraturos. Tentant Legati spontaneam Senatûs obedientiam, tot effata testium, & majores objiciunt. Ille: versata archiva, pervoluta documenta, id quidem, quod discussis inter Moguntinum, & Urbem litigiis pro felici transactione fuerit oratum, at pro Electore preces nunquam reperiri. † Legati partibus auditis, ea intentione & modo, ut ante Germaniæ bellum, pro Electore preces Civitas offerret; decrevere.

*Cives ad preces se offerunt.*

*Legati preces decernunt.*

*VI. Dissidia Senatûs & Civium aggressi.*

† Simul dissidia Senatûs & Civium aggressi, ac ne multitudo litigantium omnia confunderet, nominare partes jussæ, qui verbis aliorum loquerentur. Utraque octo elegit suæ causæ oratores: Senatus Hallenhorstium, Bergerum, primos Consules, & Geislerum Reip. Advocatum, Cives Silbereschlagium, & Limprechtum nominarunt. Hos recenséo, quod potissimum studiis eorum, impetu, partim in-

con-